



საქართველოს აგროარული უნივერსიტეტი

სტუდენტის ეთიკის კოდექსი

თბილისი

2025 წელი



შინაარსი

<u>მუხლი 1. სტუდენტის ეთიკის კოდექსის პრინციპები</u>	<u>3</u>
<u>მუხლი 2. სტუდენტის ვალდებულებები.....</u>	<u>3</u>
<u>მუხლი 3. ეთიკის საერთო წესები.....</u>	<u>4</u>
<u>მუხლი 4. პასუხისმგებლობა ეთიკის საერთო წესების დარღვევისათვის</u>	<u>7</u>
<u>მუხლი 5. აკადემიურ პროცესთან დაკავშირებული ეთიკის წესები.....</u>	<u>12</u>
<u>მუხლი 6. პასუხისმგებლობა აკადემიურ პროცესთან დაკავშირებული.....</u>	<u>14</u>
<u>ეთიკის წესების დარღვევისათვის</u>	<u>14</u>
<u>მუხლი 7. დისციპლინური წარმოების განხორციელების წესი.....</u>	<u>17</u>
<u>მუხლი 8. დასკვნითი დებულებანი</u>	<u>19</u>



მუხლი 1. სტუდენტის ეთიკის კოდექსის პრინციპები

- 1.1. საქართველოს აგრარული უნივერსიტეტის სტუდენტი ვალდებულია, გაეცნოს “სტუდენტის ეთიკის კოდექსს” და დაიცვას მისი მოთხოვნები. “სტუდენტის ეთიკის კოდექსის” დარღვევის შემთხვევაში, კოდექსით გათვალისწინებულ ნორმებზე ინფორმაციის არქონა სტუდენტს არ თავისუფლებს პასუხისმგებლობისაგან.
- 1.2. “სტუდენტის ეთიკის კოდექსი” მოქმედებს როგორც უმაღლეს საგანმანათლებლო, ასევე სასერტიფიკატო პროგრამებზე ჩარიცხულ სტუდენტებზე.
- 1.3. საქართველოს აგრარული უნივერსიტეტის ყველა სტუდენტი თანაბრად სარგებლობს საქართველოს კანონმდებლობით, უნივერსიტეტის წესდებითა და უნივერსიტეტის სხვა მარეგულირებელი აქტებით მისთვის მინიჭებული უფლებებით.
- 1.4. სტუდენტი სრულად იზიარებს უნივერსიტეტის წესდებით, “გამოცდებისა და შეფასებების ადმინისტრირების წესით”, “სტუდენტის ეთიკის კოდექსით” და უნივერსიტეტის სხვა მარეგულირებელი აქტებით გათვალისწინებულ დებულებებს, წესებს, მოთხოვნებს, ღირებულებებსა და პრინციპებს და განუხრელად იცავს მათ.
- 1.5. “სტუდენტის ეთიკის კოდექსის” დარღვევის შემთხვევაში, საქართველოს აგრარული უნივერსიტეტის ეთიკის საბჭო იღებს გადაწყვეტილებას სტუდენტის დისციპლინური პასუხისმგებლობის საკითხთან დაკავშირებით; ხოლო სტუდენტი ვალდებულია, შეასრულოს მისთვის დისციპლინური პასუხისმგებლობის დაკისრების თაობაზე მიღებული გადაწყვეტილება.
- 1.6. უნივერსიტეტი მიიჩნევს, რომ სტუდენტი არის თავისუფალი და დამოუკიდებელი პიროვნება და აქვს უნარი, თავად განსაზღვროს საკუთარი ქცევა, მიიღოს გადაწყვეტილებები და განსაზღვროს ამ ქცევისა და საკუთარი გადაწყვეტილებების შედეგები.
- 1.7. სტუდენტის მიმართ დისციპლინური პასუხისმგებლობის ზომები გამოიყენება ამ კოდექსით დადგენილი ეთიკის საერთო წესებისა და აკადემიურ პროცესთან დაკავშირებული წესების დარღვევის შემთხვევაში.

მუხლი 2. სტუდენტის ვალდებულებები

- 2.1. სტუდენტი პატივს სცემს საკუთარი და სხვა ადამიანის სიცოცხლეს, ჯანმრთელობას, ღირსებას, ასევე მათ პირად ქონებრივ და არაქონებრივ უფლებებს.



საქართველოს აგრარული უნივერსიტეტი სტუდენტის ეთიკის კოდექსი

2.2. აკრძალულია სხვა პირის დისკრიმინაცია ან მისადმი არატოლერანტული დამოკიდებულობა ნებისმიერი განსხვავებულობის გამო - რასის, კანის ფერის, ენის, სქესის, ასაკის, მოქალაქეობის, წარმოშობის, დაბადების ადგილის, საცხოვრებელი ადგილის, ქონებრივი ან წოდებრივი მდგომარეობის, რელიგიის ან რწმენის, ეროვნული, ეთნიკური ან სოციალური კუთვნილების, პროფესიის, ოჯახური მდგომარეობის, ჯანმრთელობის მდგომარეობის, შეზღუდული შესაძლებლობის, სექსუალური ორიენტაციის, გენდერული იდენტობისა და გამოხატვის, პოლიტიკური ან სხვა შეხედულების ან სხვა ნიშნის მიხედვით.

2.3. აკრძალულია შევიწროება, რაც არის ნებისმიერი ნიშნით პირის დევნა, ადევნება, იძულება ან/და პირის მიმართ არასასურველი ქცევა, რომელიც მიზნად ისახავს ან იწვევს პირის ღირსების შელახვას და მისთვის დამაშინებელი, მტრული, დამამცირებელი, ღირსების შემლახავი ან შეურაცხყოფელი გარემოს შექმნას.

2.4. აკრძალულია სექსუალური შევიწროება, რაც არის სექსუალური ხასიათის ნებისმიერი არასასურველი სიტყვიერი, არასიტყვიერი ან ფიზიკური ქცევა, რომელიც მიზნად ისახავს ან იწვევს პირის ღირსების შელახვას ან მისთვის დამაშინებელი, მტრული, დამამცირებელი, ღირსების შემლახველი ან შეურაცხყოფელი გარემოს შექმნას.

2.5. სტუდენტი პატივს სცემს უნივერსიტეტის იმიჯს, სახელს, პატივსა და საქმიან რეპუტაციას.

2.6. სტუდენტი უფრთხილდება უნივერსიტეტის ქონებას.

2.7. სტუდენტი პატივს სცემს სხვა სტუდენტების სწავლის უფლებას.

2.8. სტუდენტი აღიარებს და იცავს უნივერსიტეტის წესდებით, “გამოცდებისა და შეფასებების ადმინისტრირების წესით”, უნივერსიტეტის სხვა მარეგულირებელი დოკუმენტებითა და ამ კოდექსით დადგენილ წესებსა და პირობებს.

2.9. ამ კოდექსით დადგენილი წესების დარღვევის შემთხვევაში, სტუდენტი და უნივერსიტეტში დასაქმებული ნებისმიერი პირი, რომლისთვისაც ცნობილი გახდება დარღვევის ფაქტი, ვალდებულია, უნივერსიტეტის ადმინისტრაციას ან ეთიკის საბჭოს შეატყობინოს ინფორმაცია აღნიშნული დარღვევისა და დამრღვევი პირის შესახებ.

მუხლი 3. ეთიკის საერთო წესები

3.1. ეს კოდექსი ადგენს სტუდენტის ეთიკის საერთო წესებს, რომელთა დაცვა სავალდებულოა უნივერსიტეტის თითოეული სტუდენტისათვის.

3.2. ეთიკის საერთო წესების დარღვევად მიიჩნევა უნივერსიტეტის ტერიტორიაზე და მის



საქართველოს აგრარული უნივერსიტეტი სტუდენტის ეთიკის კოდექსი

ფარგლებს გარეთ (თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე) განხორციელებული შემდეგი ქმედებები:

3.2.1. სასწავლო ან საგამოცდო პროცესის მიმდინარეობისათვის ხელის შეშლა;

3.2.2. აკრძალულია სტუდენტის მიერ სასწავლო ან საგამოცდო პროცესის წარმართვასა და ადმინისტრირებასთან დაკავშირებული ყველა შეკრების/ლექციის/გამოცდის მიმდინარეობისას აუდიო ან/და ვიდეო გადაღება/ჩაწერა, სთრიმინგი (პირდაპირ ეთერში გადაცემა) აკადემიური პერსონალის/ლექტორის/შეხვედრის ორგანიზატორის და აუდიტორიის თანხმობის გარეშე. ამასთან, აკრძალულია თანხმობის საფუძველზე გაკეთებული აუდიო-ვიდეო ჩანაწერის საჯაროდ გავრცელება;

3.2.3. ნიკოტინის მისაღები ნებისმიერი საშუალების (გასახურებელი თამბაქოს, ელექტრო და წვადი სიგარეტის, სხვა) მოწევა უნივერსიტეტის შენობაში ან საამისოდ ნებადართული ტერიტორიის ფარგლებს გარეთ;

3.2.4. ალკოჰოლური სასმელების შეტანა, გავრცელება ან/და მოხმარება უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ ღონისძიებაზე;

3.2.5. აზარტული თამაშების ორგანიზება ან მათში მონაწილეობის მიღება უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე;

3.2.6. ქმედება, რომელიც უნივერსიტეტის იმიჯის, სახელის, პატივის ან საქმიანი რეპუტაციის შელახვის საფრთხეს და გარემოებებს ქმნის, ან ქმედება, რომელიც უნივერსიტეტის იმიჯს, სახელს, პატივს ან საქმიანრეპუტაციას ლახავს;

3.2.7. უნივერსიტეტის ტერიტორიის დანაგვიანება;

3.2.8. დემონსტრაციული ბილწისიტყვაობა;

3.2.9. სიტყვიერი შეურაცხყოფის მიყენება სხვა პირისათვის, ასევე, დამამცირებელი, ღირსების შემლახველი ან შეურაცხმყოფელი შინაარსის მქონე ფრაზებით მიმართვა;

3.2.10. სხვა პირის მიმართ ძალადობა ან მისთვის ფიზიკური შეურაცხყოფის მიყენება;



საქართველოს აგრარული უნივერსიტეტი სტუდენტის ეთიკის კოდექსი

3.2.11. ნარკოტიკული ან/და ფსიქოტროპული საშუალებების შეტანა, გავრცელება ან/და გამოყენება უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე;

3.2.12. „იარაღის შესახებ“ საქართველოს კანონით განსაზღვრული ცეცხლსასროლი/ცივი იარაღის შეტანა, გამოყენება, სხვისთვის გადაცემა უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე;

3.2.13. ისეთი ფეთქებადი და აალებადი ნივთებისა და ნივთიერებების, რომლებიც ხანძრის ან/და აფეთქების რეალურ საფრთხეს ქმნის, შეტანა, გამოყენება, გავრცელება ან სხვისთვის გადაცემა უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე;

3.2.14. სხვა პირზე ფსიქოლოგიური ზეწოლა, მუქარა, დაშინება ან მორალური ზემოქმედება, ასევე ზემოაღნიშნულ ქმედებათა მცდელობა, მათ შორის, აკადემიური საკითხების გადაწყვეტის მიზნით;

3.2.15. სხვა პირის დისკრიმინაცია (დისკრიმინაციად ითვლება პირის პირდაპირ ან არაპირდაპირ შევიწროება, რომელიც მიზნად ისახავს ან იწვევს მისთვის დამაშინებელი, მტრული, დამამცირებელი, ღირსების შემლახველი ან შეურაცხმყოფელი გარემოს შექმნას, ანდა პირისთვის ისეთი პირობების შექმნა, რომლებიც პირდაპირ ან არაპირდაპირ აუარესებს მის მდგომარეობას ანალოგიურ პირობებში მყოფ სხვა პირთან შედარებით, ამ კოდექსის 2.2 პუნქტში მოცემული საფუძვლით);

3.2.16. სხვა სტუდენტის საკუთრების ხელყოფა, დაზიანება ან განადგურება; ასევე, სხვა სტუდენტის საკუთრების უფლების რაიმე სახით შეზღუდვა, მათ შორის, ნივთის დაუფლება და ფაქტობრივი ფლობა მესაკუთრის ნების საწინააღმდეგოდ, ნივთის მოტყუებით გამორთმევა ან გამოძალვა, ან ნივთის ბედის სხვაგვარი გადაწყვეტა, ასევე ზემოაღნიშნულ ქმედებათა მცდელობა, მათ შორის, ჩადენილი მოტყუებით ან მუქარით;

3.2.17. უნივერსიტეტის ქონების დაზიანება, დაზიანების მცდელობა;

3.2.18. უნივერსიტეტის შენობაში (გარდა კაფეტერიისა და პირველი სართულის ფოიეში ვენდინგ მანქანებთან არსებული სივრცისა) საკვების და უალკოჰოლო სასმელის (გარდა სასმელი წყლისა) მოხმარება;



3.2.19. შევიწროება (ნებისმიერი ნიშნით პირის დევნა, ადევნება, იძულება ან/და პირის მიმართ არასასურველი ქცევა, რომელიც მიზნად ისახავს ან იწვევს პირის ღირსების შელახვას და მისთვის დამაშინებელი, მტრული, დამამცირებელი, ღირსების შემლახავი ან შეურაცხმყოფელი გარემოს შექმნას);

3.2.20. სექსუალური შევიწროება (სექსუალური ხასიათის ნებისმიერი არასასურველი სიტყვიერი, არასიტყვიერი ან ფიზიკური ქცევა, რომელიც მიზნად ისახავს ან იწვევს პირის ღირსების შელახვას ან მისთვის დამაშინებელი, მტრული, დამამცირებელი, ღირსების შემლახველი ან შეურაცხმყოფელი გარემოს შექმნას);

3.2.21. ადევნება (პირადად ან მესამე პირის მეშვეობით, პირთან (მისი ოჯახის წევრთან ან ახლო ნათესავთან) განმეორებადი კომუნიკაციის დამყარება (პირადად, ტელეფონის, ელექტრონული ან სხვა საშუალებით), ან ნებისმიერი სხვა ქმედება, რომელიც პირისგან ფსიქოლოგიურ ზეწოლად აღიქმება).

3.2.22. სტუდენტური თვითორგანიზებული/თვითმმართველი გაერთიანების მიერ უნივერსიტეტის მისიის ან აპოლიტიკურობის პრინციპის დარღვევა; სხვა პირების/ორგანიზაციების ინტერესების გატარება ან გარე პირებთან ფორმალურად ან არაფორმალურად აფილირება; განხორციელებული საქმიანობით უნივერსიტეტის ინტერესებისათვის, ავტორიტეტისა და საზოგადოებრივი იმიჯისათვის საფრთხის შექმნა ან/და ზიანის მიყენება; საქართველოს აგრარული უნივერსიტეტის სახელით მოსაზრებების გამოთქმა, საჯარო განცხადებების ან შეთავაზებების გაკეთება, ან/და დაპირებების გაცემა; საქართველოს აგრარული უნივერსიტეტის სახელის გამოყენება სხვა პირებთან ურთიერთობებსა და კომუნიკაციებში; საქართველოს აგრარული უნივერსიტეტის ლოგოსა და სხვა ატრიბუტიკის გამოყენება.

მუხლი 4. პასუხისმგებლობა ეთიკის საერთო წესების დარღვევისათვის

4.1. ამ კოდექსის მე-3 მუხლით გათვალისწინებული ქმედების ჩადენის გამო სტუდენტის პასუხისმგებლობის სახესა და ზომას კონკრეტული დარღვევის სიმძიმის, შინაარსის, ხასიათისა და გარემოებების გათვალისწინებით, განსაზღვრავს უნივერსიტეტის ეთიკის საბჭო.

4.2. ამ კოდექსის 3.2.1 (სასწავლო ან საგამოცდო პროცესის მიმდინარეობისათვის ხელის შეშლა), 3.2.2. (სასწავლო ან საგამოცდო პროცესის მიმდინარეობისასა აუდიო-ვიდეო გადაღება, სთრიმინგი (პირდაპირ ეთერში გადაცემა) აკადემიური პერსონალის/ლექტორის და აუდიტორიის თანხმობის გარეშე), 3.2.8 (დემონსტრატიული და უხეში ბილწსიტყვაობა) და 3.2.9 (სიტყვიერი შეურაცხყოფის მიყენება სხვა პირისათვის, ასევე, დამამცირებელი, ღირსების შემლახველი ან შეურაცხმყოფელი შინაარსის მქონე ფრაზებით მიმართვა) ქვეპუნქტებში აღნიშნული ქმედებების ჩადენისას, ეთიკის საბჭო უფლებამოსილია, მიიღოს სტუდენტის



წერილობითი გაფრთხილების გადაწყვეტილება ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. სტუდენტის მიერ იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. გარდა აღნიშნულისა, ამ კოდექსის მე-3 მუხლის 3.2.1, 3.2.2, 3.2.8 და 3.2.9. ქვეპუნქტებით გათვალისწინებული ქმედებების შემჩნევისას, მათი აღკვეთის მიზნით, უნივერსიტეტის ადმინისტრაციისა და აკადემიური პერსონალის წარმომადგენელს უფლება აქვს, სტუდენტს მისცეს ზეპირი გაფრთხილება და მოსთხოვოს ქცევის კორექტირება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.3. ამ კოდექსის მე-3 მუხლის 3.2.7 ქვეპუნქტით (უნივერსიტეტის ტერიტორიის დანაგვიანება) გათვალისწინებული ქმედების ჩადენისას, უნივერსიტეტის ადმინისტრაცია დარღვევის ჩამდენ სტუდენტს აკისრებს ჯარიმას - 15 ლარის ოდენობით.

4.4. ამ კოდექსის მე-3 მუხლის 3.2.3 ქვეპუნქტით (ნიკოტინის მისაღები ნებისმიერი საშუალების (გასახურებელი თამბაქოს, ელექტრო და წვადი სიგარეტის, სხვა) მოწევა უნივერსიტეტის შენობაში ან საამისოდ ნებადართული ტერიტორიის ფარგლებს გარეთ) გათვალისწინებული ქმედების ჩადენისას, უნივერსიტეტის ადმინისტრაცია ამ დარღვევის ჩამდენ სტუდენტს აკისრებს ჯარიმას - 100 ლარის ოდენობით და დამდგარი ზიანის ანაზღაურებას. ასევე, უნივერსიტეტის ეთიკის საბჭო უფლებამოსილია, მიიღოს სტუდენტის წერილობითი გაფრთხილების შესახებ გადაწყვეტილება.

4.5. ამ კოდექსის მე-3 მუხლის 3.2.4 ქვეპუნქტით (ალკოჰოლური სასმელების შეტანა, გავრცელება ან/და მოხმარება უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ ღონისძიებაზე) და 3.2.18 ქვეპუნქტით (უნივერსიტეტის შენობაში (გარდა კაფეტერიისა და პირველი სართულის ფოიეში ვენდინგ მანქანებთან არსებული სივრცისა) საკვების და უალკოჰოლო სასმელის (გარდა სასმელი წყლისა) მოხმარება) გათვალისწინებული ქმედების ჩადენისას უნივერსიტეტის ადმინისტრაცია ამ დარღვევის ჩამდენ სტუდენტს აკისრებს ჯარიმას - 100 ლარის ოდენობით და დამდგარი ზიანის ანაზღაურებას. ასევე, უნივერსიტეტის ეთიკის საბჭო უფლებამოსილია, მიიღოს სტუდენტის წერილობითი გაფრთხილების შესახებ გადაწყვეტილება, ან, დარღვევის სიმძიმის გათვალისწინებით, ეთიკის საბჭო უფლებამოსილია,



საქართველოს აგრარული უნივერსიტეტი სტუდენტის ეთიკის კოდექსი

მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.6. ამ კოდექსის მე-3 მუხლის 3.2.5 ქვეპუნქტით (აზარტული თამაშების ორგანიზება ან მათში მონაწილეობის მიღება უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე) გათვალისწინებული ქმედების ჩადენისას, უნივერსიტეტის ადმინისტრაცია სტუდენტსაკისრებს ჯარიმას - 100 ლარის ოდენობით. ასევე, უნივერსიტეტის ეთიკის საბჭო უფლებამოსილია, მიიღოს სტუდენტის წერილობითი გაფრთხილების შესახებ გადაწყვეტილება ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.7. ამ კოდექსის მე-3 მუხლის 3.2.6 ქვეპუნქტით (ქმედება, რომელიც უნივერსიტეტის იმიჯის, სახელის, პატივის ან საქმიანი რეპუტაციის შელახვის საფრთხეს და გარემოებებს ქმნის, ან ქმედება რომელიც უნივერსიტეტის იმიჯს, სახელს, პატივს ან საქმიან რეპუტაციას ლახავს) გათვალისწინებული ქმედების ჩადენისას, უნივერსიტეტის ეთიკის საბჭო უფლებამოსილია, მიიღოს სტუდენტის წერილობითი გაფრთხილების შესახებ გადაწყვეტილება ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის



საქართველოს აგრარული უნივერსიტეტი სტუდენტის ეთიკის კოდექსი

პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.8. ამ კოდექსის მე-3 მუხლის 3.2.10 ქვეპუნქტით (სხვა პირის მიმართ ძალადობა ან მისთვის ფიზიკური შეურაცხყოფის მიყენება) გათვალისწინებული ქმედების ჩადენისას, უნივერსიტეტის ეთიკის საბჭო უფლებამოსილია, დარღვევის სიმძიმის გათვალისწინებით, მიიღოს სტუდენტისადმი წერილობითი გაფრთხილების გადაწყვეტილება, ასევე, სტუდენტს დააკისროს ჯარიმა - 200 ლარამდე ოდენობით; ეთიკის საბჭო უფლებამოსილია, დარღვევის სიმძიმის გათვალისწინებით, სტუდენტს შეუწყვიტოს საქართველოს აგრარული უნივერსიტეტის სტუდენტის სტატუსი. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.9. ამ კოდექსის მე-3 მუხლის 3.2.11 (ნარკოტიკული ან/და ფსიქოტროპული საშუალებების შეტანა, გავრცელება ან/და გამოყენება უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე), 3.2.12 (ცეცხლსასროლი/ცივი იარაღის შეტანა, გამოყენება, სხვისთვის გადაცემა უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე) და 3.2.13 (ისეთი ფეთქებადი და აალებადი ნივთებისა და ნივთიერებების, რომლებიც ხანძრის ან/და აფეთქების რეალურ საფრთხეს ქმნის, შეტანა, გამოყენება, გავრცელება ან სხვისთვის გადაცემა უნივერსიტეტის ტერიტორიაზე, ასევე მის ფარგლებს გარეთ, თუ ქმედება განხორციელებულია უნივერსიტეტის ან სტუდენტების მიერ ორგანიზებულ აკადემიურ, გასართობ, სადღესასწაულო ან სხვა ღონისძიებაზე) ქვეპუნქტებით გათვალისწინებული ქმედების ჩადენისას, უნივერსიტეტის ადმინისტრაცია აღნიშნულ ფაქტს ატყობინებს პოლიციას; უნივერსიტეტის ეთიკის საბჭო უფლებამოსილია, ამ დარღვევის ჩამდენი სტუდენტის მიმართ მიიღოს



საქართველოს აგრარული უნივერსიტეტი სტუდენტის ეთიკის კოდექსი

საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება; ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.10. ამ კოდექსის მე-3 მუხლის 3.2.14 ქვეპუნქტით (სხვა პირზე ფსიქოლოგიური ზეწოლა, მუქარა, დაშინება ან მორალური ზემოქმედება, მათ შორის, აკადემიური საკითხების გადაწყვეტის მიზნით), 3.2.15 ქვეპუნქტით (სხვა პირის დისკრიმინაცია), 3.2.16 ქვეპუნქტით (სხვა სტუდენტის საკუთრების ხელყოფა, დაზიანება ან განადგურება; ასევე, სხვა სტუდენტის საკუთრების უფლების რაიმე სახით შეზღუდვა, მათ შორის, ნივთის დაუფლება და ფაქტობრივი ფლობა მესაკუთრის ნების საწინააღმდეგოდ, ნივთის მოტყუებით გამორთმევა ან გამოძალვა, ან ნივთის ბედის სხვაგვარი გადაწყვეტა), 3.2.17 ქვეპუნქტით (უნივერსიტეტის ქონების დაზიანება, დაზიანების მცდელობა), 3.2.19 ქვეპუნქტით (შევიწროება), 3.2.20 ქვეპუნქტითა (სექსუალური შევიწროება) და 3.2.21 ქვეპუნქტით (ადევნება) გათვალისწინებული ქმედების განხორციელებისას, ეთიკის საბჭო უფლებამოსილია, მიიღოს სტუდენტის წერილობითი გაფრთხილების გადაწყვეტილება ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

4.11. ამ კოდექსის მე-3 მუხლის 3.2.22 ქვეპუნქტით (სტუდენტური თვითორგანიზებული/თვითმმართველი გაერთიანების მიერ უნივერსიტეტის მისიის ან აპოლიტიკურობის პრინციპის დარღვევა; სხვა პირების/ორგანიზაციების ინტერესების გატარება ან გარე პირებთან ფორმალურად ან არაფორმალურად აფილირება; განხორციელებული საქმიანობით უნივერსიტეტის ინტერესებისათვის, ავტორიტეტისა და საზოგადოებრივი იმიჯისათვის საფრთხის შექმნა ან/და ზიანის მიყენება; საქართველოს აგრარული უნივერსიტეტის სახელით მოსაზრებების გამოთქმა, საჯარო განცხადებების ან შეთავაზებების



საქართველოს აგრარული უნივერსიტეტი სტუდენტის ეთიკის კოდექსი

გაკეთება, ანდა დაპირებების გაცემა; საქართველოს აგრარული უნივერსიტეტის სახელის გამოყენება სხვა პირებთან ურთიერთობებში და კომუნიკაციებში; საქართველოს აგრარული უნივერსიტეტის ლოგოსა და სხვა ატრიბუტიკის გამოყენება) გათვალისწინებული ქმედების განხორციელებისას, ეთიკის საბჭო უფლებამოსილია, მიიღოს სტუდენტური თვითორგანიზებული/თვითმმართველი გაერთიანების საქმიანობის განსაზღვრული ვადით შეზღუდვის გადაწყვეტილება; ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს სტუდენტური თვითორგანიზებული/თვითმმართველი გაერთიანების რეგისტრაციის გაუქმების გადაწყვეტილება. ამ კოდექსის მე-3 მუხლის 3.2.22 ქვეპუნქტით გათვალისწინებული დარღვევის განმეორების შემთხვევაში, ეთიკის საბჭო უფლებამოსილია, მიიღოს სტუდენტური თვითორგანიზებული/თვითმმართველი გაერთიანების რეგისტრაციის გაუქმების გადაწყვეტილება.

4.12. უნივერსიტეტის ეთიკის საბჭოს გადაწყვეტილება დაუყოვნებლივ გადაეცემა უნივერსიტეტის რექტორს შესაბამისი ბრძანების გამოცემის მიზნით. რექტორის ბრძანება დაუყოვნებლივ გადაეცემა შესაბამის სტუდენტს ან სტუდენტურ თვითორგანიზებულ/თვითმმართველ გაერთიანებას და უნივერსიტეტის სარეგისტრაციო და სასწავლო პროცესის მართვის სამსახურს ან სტუდენტების დეკანს, სტუდენტური თვითორგანიზებული/თვითმმართველი გაერთიანების შემთხვევაში.

4.13. პასუხისმგებლობის სახით ჯარიმის გამოყენების შემთხვევაში, სტუდენტი ვალდებულია, მისთვის უნივერსიტეტის ეთიკის საბჭოს გადაწყვეტილების ჩაბარებიდან 30 კალენდარული დღის ვადაში დაკისრებული ჯარიმის შესატყვისი თანხა გადარიცხოს უნივერსიტეტის შემდეგ საბანკო ანგარიშზე:

ა(ა)იპ საქართველოს აგრარული
უნივერსიტეტი
ს/ნ 211325653
ს.ს. ლიბერთი ბანკი

LBRTGE22

ა/ა GE56LB0121134383911027

მუხლი 5. აკადემიურ პროცესთან დაკავშირებული ეთიკის წესები

5.1. სტუდენტის მიმართ ამ კოდექსით დადგენილი დისციპლინური პასუხისმგებლობის ზომები გამოიყენება აკადემიური თაღლითობის/არაკეთილსინდისიერების პრინციპების დარღვევის შემთხვევაში:



საქართველოს აგრარული უნივერსიტეტი სტუდენტის ეთიკის კოდექსი

- 5.1.1. გადაწერა სხვა სტუდენტის ნამუშევრიდან;
- 5.1.2. სხვის მიერ შესრულებული დავალების საკუთრად გასაღება ან გასაღების მცდელობა;
- 5.1.3. ხელოვნური ინტელექტის (AI) ნებისმიერი პროგრამისა და პლატფორმის მიერ გენერირებული ან მისი გამოყენებით დამუშავებული ნებისმიერი შინაარსისა ფორმატის ტექსტის, ინფორმაციის, ვიზუალური, აუდიო- თუ ვიდეო მასალის ნაშრომში გამოყენება;
- 5.1.4. სხვისთვის ნამუშევრის მომზადება;
- 5.1.5. ცრუმაგიერ პირად წარმოჩენა;
- 5.1.6. ნებისმიერი სახის წინასწარ მომზადებული დამხმარე მასალის, სხვადასხვა ტექნიკური საშუალების საგამოცდო პროცესის მიმდინარეობის, ან დავალების შესრულების დროს ფლობა, გამოყენება ან გამოყენების მცდელობა, რომელიც არ არის ნებადართული, როგორც უნივერსიტეტის ტერიტორიაზე, ასევე მის ფარგლებს გარეთ; საგამოცდო ცენტრში, გამოცდის მიმდინარეობისას, სხვა სტუდენტთან გადალაპარაკება, სხვა სტუდენტის ყურადღების მიპყრობა, მისთვის შეკითხვის დასმა, ან მისგან გადაწერა;
- 5.1.7. პლაგიატი - სხვისი ნამუშევრის ან შემოქმედებითი იდეის, შემოქმედებითი გადაწყვეტის, ნახაზის, ტექსტის, ესკიზის, პროექტის, მაკეტის, გეგმის, სქემის, ფოტოსურათის, ელექტრონული ინფორმაციის, ვიდეო - და აუდიოჩანაწერების გამოყენება ავტორისა და წყაროს მითითების გარეშე, ან მისი საკუთრად გასაღება, ან საკუთრად გასაღების მცდელობა:
 - 5.1.7.1. ნამუშევარში გამოყენებული პლაგიატის პროპორციის მოცულობა მთელ ნამუშევართან მიმართებით არ მიიჩნევა პლაგიატის არსებობის განმსაზღვრელ კრიტერიუმად;
 - 5.1.7.2. პლაგიატის ფაქტზე არ ვრცელდება ხანდაზმულობის ვადა, ან რაიმე აკადემიური პროცედურის დასრულება არ აქარწყლებს პლაგიატის ჩადენაზე პასუხისმგებლობას;
- 5.1.8. სხვა სტუდენტისათვის ხელის შეშლა სწავლასა და კვლევის პროცესში საჭირო რესურსების დამალვით, მოპარვით ან განადგურებით; სხვა სტუდენტის ნამუშევრის მოპარვა, განადგურება ან შეცვლა;
- 5.1.9. სხვა სტუდენტისათვის პლაგიატის ჩადენაში ხელის შეწყობა, დახმარება, ასევე, სხვისი მოწოდება, შეთავაზება, დაინტერესება ან წახალისება პლაგიატის ჩასადენად;
- 5.1.10. კვლევითი სამუშაოების მონაცემებისა და შედეგების გაყალბება;
- 5.1.11. ინდივიდუალური დავალების ჯგუფურად მომზადება ან ერთი პირის მიერ



მომზადებული დავალების ჯგუფურ ნამუშევრად გასაღება;

5.1.12. იდენტობის გაყალბების საშუალებით, სხვა პირთან გარიგება გამოცდის ჩაბარების მიზნით; სხვა პირის გამოყენებით გამოცდის ჩაბარება ან გამოცდის ჩაბარების მცდელობა;

5.1.13. საგამოცდო მასალების, მათ შესახებ კონფიდენციალური ინფორმაციის მოპოვება, გავრცელება, შესაფასებლად ჩაბარებული ნამუშევრის უნებართვოდ ჩანაცვლება; ასევე, საგამოცდო ნამუშევრის ჩანაცვლება; ან სათადარიგო ფურცლის გატანა საგამოცდო ცენტრიდან;

5.1.14. საუნივერსიტეტო მონაცემების (აკადემიური/ადმინისტრაციული) გაყალბება ან/და გამოყენება;

5.1.15. ლექტორზე, გამომცდელზე, უნივერსიტეტის თანამშრომელზე ზეწოლა შეფასების მიღების მიზნით;

5.1.16. უნივერსიტეტში წარსადგენი დოკუმენტის გაყალბება ან ყალბი დოკუმენტის წარდგენა;

5.1.17. აკადემიური და ადმინისტრაციული პერსონალის შეცდომამში შეყვანა, მათ შორის, მცდარი ან არასრული ინფორმაციის მიწოდებით, დოკუმენტების არასრულად წარდგენა, სიტყვიერად, წერილობით ან წარმოდგენილი დოკუმენტებით რაიმე არაკუთვნილი უფლების ან უპირატესობის მოპოვების მიზნით;

5.1.18. უნივერსიტეტის საგამოცდო ცენტრის თანამშრომლების მიერ განხორციელებული ფაქტობრივი გარემოებების შეგროვების (ფოტო-ფიქსაცია და ა.შ.) პროცესისთვის ხელის შეშლა;

5.1.19. უნივერსიტეტის საგამოცდო ცენტრის თანამშრომლის შენიშვნისადმი/მოთხოვნისადმი/მითითებისადმი დაუმორჩილებლობა.

5.1.20. სხვა სტუდენტისათვის აკადემიური თაღლითობის ჩადენაში დახმარება, მოწოდება ან ხელის შეწყობა.

მუხლი 6. პასუხისმგებლობა აკადემიურ პროცესთან დაკავშირებული ეთიკის წესების დარღვევისათვის

6.1. ამ კოდექსის მე-5 მუხლით გათვალისწინებული ქმედების ჩადენის გამო, სტუდენტის პასუხისმგებლობის სახესა და ზომას კონკრეტული დარღვევის შინაარსის, სიმძიმის, ხასიათისა და გარემოებების გათვალისწინებით, განსაზღვრავს უნივერსიტეტის ეთიკის საბჭო. სტუდენტის



მიერ ისეთი ქმედების ჩადენა, რაც შედეგად იწვევს საქართველოს აგრარული უნივერსიტეტის სტუდენტის სტატუსის შეწყვეტას, მიიჩნევა უნივერსიტეტსა და სტუდენტს შორის გაფორმებული ორმხრივი ხელშეკრულების არსებით პირობათა დარღვევად და ავტომატურად იწვევს უნივერსიტეტსა და სტუდენტს შორის გაფორმებული ხელშეკრულების შეწყვეტას, ათავისუფლებს უნივერსიტეტს ორმხრივი ხელშეკრულებით ნაკისრი სახელშეკრულებო ვალდებულებებისაგან და აჩერებს უნივერსიტეტის მიერ ნაკისრი ვალდებულებების შესრულებას, რის შედეგადაც სტუდენტი კარგავს შეფასებების ან/და კვალიფიკაციის მიღების შესაძლებლობას.

6.2. ამ კოდექსის მე-5 მუხლის 5.1.1 ქვეპუნქტით (გადაწერა სხვა სტუდენტის ნამუშევრიდან), 5.1.2 ქვეპუნქტით (სხვის მიერ შესრულებული დავალების საკუთრად გასაღება ან გასაღების მცდელობა), 5.1.3 ქვეპუნქტით (ხელოვნური ინტელექტის (AI) ნებისმიერი პროგრამისა და პლატფორმის მიერ გენერირებული ან მისი გამოყენებით დამუშავებული ნებისმიერი შინაარსისა ფორმატის ტექსტის, ინფორმაციის, ვიზუალური, აუდიო- თუ ვიდეო მასალის ნაშრომში გამოყენება), 5.1.4. ქვეპუნქტით (სხვისთვის ნამუშევრის მომზადება), 5.1.5 ქვეპუნქტით (ცრუმაგიერ პირად წარმოჩენა), 5.1.6 ქვეპუნქტით (ნებისმიერი სახის წინასწარ მომზადებული დამხმარე მასალის, სხვადასხვა ტექნიკური საშუალების საგამოცდო პროცესის მიმდინარეობის, ან დავალების შესრულების დროს ფლობა, გამოყენება ან გამოყენების მცდელობა, რომელიც არ არის ნებადართული, როგორც უნივერსიტეტის ტერიტორიაზე, ასევე მის ფარგლებს გარეთ), 5.1.7 ქვეპუნქტით (პლაგიატი), 5.1.11 ქვეპუნქტით (ინდივიდუალური დავალების ჯგუფურად მომზადება ან ერთი პირის მიერ მომზადებული დავალების ჯგუფურ ნამუშევრად გასაღება), 5.1.12 ქვეპუნქტით (იდენტობის გაყალბების საშუალებით, სხვა პირთან გარიგება გამოცდის ჩაბარების მიზნით; სხვა პირის გამოყენებით გამოცდის ჩაბარება ან გამოცდის ჩაბარების მცდელობა), 5.1.13 ქვეპუნქტით (საგამოცდო მასალების, მათ შესახებ კონფიდენციალური ინფორმაციის მოპოვება, გავრცელება, შესაფასებლად ჩაბარებული ნამუშევრის უნებართვოდ ჩანაცვლება, ასევე საგამოცდო დავალების ნამუშევრის ჩანაცვლება; ან სათადარიგო ფურცლის გატანა საგამოცდო ცენტრიდან), 5.1.14 ქვეპუნქტით (საუნივერსიტეტო მონაცემების (აკადემიური/ადმინისტრაციული) გაყალბება ან/და გამოყენება) გათვალისწინებული ქმედებისათვის, ეთიკის საბჭოს გადაწყვეტილებით, სტუდენტი იღებს წერილობით გაფრთხილებას, ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს დარღვევის ჩამდენი სტუდენტისათვის საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება



დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

6.3. ამ კოდექსის მე-5 მუხლის 5.1.8 ქვეპუნქტში (სხვა სტუდენტისათვის ხელის შეშლა სწავლასა და კვლევის პროცესში საჭირო რესურსების დამალვით, მოპარვით ან განადგურებით; სხვა სტუდენტის ნამუშევრის მოპარვა, განადგურება ან შეცვლა) გათვალისწინებული ქმედების ჩადენისას, ეთიკის საბჭო უფლებამოსილია, მიიღოს სტუდენტის წერილობითი გაფრთხილების გადაწყვეტილება, ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. იგივე ქმედების განმეორების შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

6.4. ამ კოდექსის მე-5 მუხლის 5.1.20 ქვეპუნქტით (სხვა სტუდენტისათვის აკადემიური თაღლითობის ჩადენაში დახმარება, მოწოდება ან ხელის შეწყობა), 5.1.9 ქვეპუნქტით (სხვა სტუდენტისათვის პლაგიატის ჩადენაში ხელის შეწყობა, დახმარება, ასევე, სხვისი მოწოდება, შეთავაზება, დაინტერესება ან წახალისება პლაგიატის ჩასადენად), 5.1.10 ქვეპუნქტით (კვლევითი სამუშაოების მონაცემებისა და შედეგების გაყალბება), 5.1.15 ქვეპუნქტით (ლექტორზე, გამომცდელზე, უნივერსიტეტის თანამშრომელზე ზეწოლა შეფასების მიღების მიზნით), 5.1.17 ქვეპუნქტით (აკადემიური და ადმინისტრაციული პერსონალის შეცდომაში შეყვანა, მათ შორის, მცდარი ან არასრული ინფორმაციის მიწოდებით, დოკუმენტების არასრულად წარდგენა, სიტყვიერად, წერილობით ან წარმოდგენილი დოკუმენტებით რაიმე არაკუთვნილი უფლების ან უპირატესობის მოპოვების მიზნით), 5.1.18 ქვეპუნქტით (უნივერსიტეტის საგამოცდო ცენტრის თანამშრომლების მიერ განხორციელებული ფაქტობრივი გარემოებების შეგროვების (ფოტო-ფიქსაცია და ა.შ.) პროცესისთვის ხელის შეშლა), 5.1.19 ქვეპუნქტით (უნივერსიტეტის საგამოცდო ცენტრის თანამშრომლის შენიშვნისადმი/მოთხოვნისადმი/მითითებისადმი დაუმორჩილებლობა) გათვალისწინებული ქმედების ჩადენისას, ეთიკის საბჭო უფლებამოსილია, მიიღოს სტუდენტის წერილობითი გაფრთხილების გადაწყვეტილება, ან, დარღვევის სიმძიმის გათვალისწინებით, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება. ეთიკის კოდექსის განმეორებით დარღვევის შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის



საქართველოს აგრარული უნივერსიტეტი სტუდენტის ეთიკის კოდექსი

სტატუსის შეწყვეტის გადაწყვეტილება. ზემოაღნიშნულის პარალელურად, ეთიკის საბჭო უფლებამოსილია გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

6.5. ამ კოდექსის მე-5 მუხლის 5.1.16 ქვეპუნქტით (უნივერსიტეტში წარსადგენი დოკუმენტის გაყალბება ან ყალბი დოკუმენტის წარდგენა) გათვალისწინებული ქმედების ჩადენისას, უნივერსიტეტის ადმინისტრაცია ან შესაბამისი უფლებამოსილებით აღჭურვილი ორგანო აუქმებს ასეთ დოკუმენტზე დაყრდნობით მიღებულ გადაწყვეტილებას, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება, ხოლო უნივერსიტეტის ადმინისტრაცია მიმართავს სამართალდამცავ ორგანოებს დოკუმენტის გაყალბებასთან დაკავშირებული საკითხის შესწავლის თხოვნით. ზემოაღნიშნულის პარალელურად, ეთიკის საბჭო უფლებამოსილია, გააუქმოს საქართველოს აგრარული უნივერსიტეტის „საბაკალავრო პროგრამების დებულების“ 11.19 პუნქტის შესაბამისად, სტუდენტისათვის უნივერსიტეტის კეთილი ნებით გადაცემული პირველი 15 დამატებითი კრედიტის აუთვისებელი ნაწილი ან/და გამოყენებული კრედიტების შესაბამისი ღირებულების ანაზღაურების ვალდებულება დააკისროს სტუდენტს, ან/და მიმართოს „ცოდნის ფონდს“ სტუდენტისათვის გადაცემული სასწავლო გრანტისა და შესაბამისი ხელშეკრულების გაუქმების თხოვნით.

მუხლი 7. დისციპლინური წარმოების განხორციელების წესი

7.1. ეთიკის საერთო და აკადემიურ პროცესთან დაკავშირებული წესების დარღვევის ფაქტებზე სტუდენტის მიმართ დისციპლინური ღონისძიებების გატარების საკითხის აღძვრა შეუძლია უნივერსიტეტის აკადემიურ ან პედაგოგიურ საქმიანობაში ჩართულ ნებისმიერ პირს, ასევე, ადმინისტრაციის ნებისმიერ თანამშრომელსა და უნივერსიტეტის ნებისმიერ სტუდენტს.

7.2. უნივერსიტეტი ამ კოდექსით გათვალისწინებული ქმედების ჩადენის ფაქტის შესწავლის მიზნით ახორციელებს დისციპლინურ წარმოებას.

7.3. დისციპლინური წარმოების განხორციელებისას სტუდენტს უფლება აქვს:

7.3.1. უნივერსიტეტისაგან მიიღოს შეტყობინება მის მიმართ დისციპლინური წარმოების დაწყების შესახებ;



საქართველოს აგრარული უნივერსიტეტი სტუდენტის ეთიკის კოდექსი

7.3.2. დაესწროს მის მიმართ დისციპლინური წარმოების საკითხის განხილვას, დაიცვას საკუთარი უფლებები დამოუკიდებლად ან წარმომადგენლის მეშვეობით;

7.3.3. მიაწოდოს უნივერსიტეტის ეთიკის საბჭოს თავის ხელთ არსებული ინფორმაცია, მტკიცებულებები და ახსნა-განმარტებები;

7.3.4. მონაწილეობა მიიღოს უნივერსიტეტის ეთიკის საბჭოს მიერ მოპოვებული მტკიცებულებების გამოკვლევაში;

7.3.5. სასამართლოში გაასაჩივროს უნივერსიტეტის მიერ მის მიმართ მიღებული გადაწყვეტილება.

7.4. უნივერსიტეტის ეთიკის საბჭო უფლებამოსილია:

7.4.1. მოსთხოვოს სტუდენტს საკუთარი მოქმედების ზეპირი ან/და წერილობითი აღწერა და განმარტება;

7.4.2. მრავალმხრივ და სრულყოფილად გამოიკვლიოს წარდგენილი ინფორმაცია, ახსნა-განმარტებები, მტკიცებულებები, გარემოებები;

7.4.3. ამ კოდექსით გათვალისწინებული დარღვევისათვის იღებს გადაწყვეტილებას სტუდენტისთვის შესაბამისი დისციპლინური პასუხისმგებლობის ზომის შეფარდების შესახებ.

7.5. ეთიკის საბჭო დისციპლინური პასუხისმგებლობის დაკისრების/არდაკისრების თაობაზე მიმართავს უნივერსიტეტის რექტორს, რომელიც გამოსცემს შესაბამის აქტს.

7.6. ამ კოდექსში აღნიშნული შემთხვევების გარდა, უნივერსიტეტის ეთიკის საბჭო უფლებამოსილია, მიიღოს გადაწყვეტილება ამ კოდექსით გათვალისწინებული დისციპლინური პასუხისმგებლობის ერთ-ერთი ზომის შეფარდების შესახებ, ისეთი ქმედების ჩადენის შემთხვევაში, რომელიც საქართველოს ადმინისტრაციულ სამართალდარღვევათა კოდექსისა და საქართველოს სისხლის სამართლის კოდექსით გათვალისწინებულ დასჯად ქმედებას განეკუთვნება.

7.7. ეთიკის საბჭო უფლებამოსილია, დარღვევის სიმძიმის გათვალისწინებით, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება იმ შემთხვევაშიც, თუ სტუდენტის მიმართ უკვე გამოცემულია წერილობითი გაფრთხილება.

7.8. „სტუდენტის ეთიკის კოდექსის“ განმეორებით დარღვევად მიიჩნევა ამ კოდექსით გათვალისწინებული ნებისმიერი ქმედების ჩადენა მას შემდეგ, რაც სტუდენტს უკვე დაკისრებული ჰქონდა დისციპლინური პასუხისმგებლობის ზომა ამ კოდექსით გათვალისწინებული ნებისმიერი ქმედებისათვის. ასეთ შემთხვევაში, ეთიკის საბჭო



უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება, მიუხედავად სტუდენტის მიერ ჩადენილი დარღვევების სიმძიმისა.

7.9. „სტუდენტის ეთიკის კოდექსის“ არაერთგზის/მრავლობით დარღვევად მიიჩნევა ამ კოდექსით გათვალისწინებული ორი ან მეტი ქმედების ჩადენა. ასეთ შემთხვევაში, ეთიკის საბჭო უფლებამოსილია, მიიღოს საქართველოს აგრარული უნივერსიტეტის სტუდენტის სტატუსის შეწყვეტის გადაწყვეტილება.

7.10. აკრძალულია უნივერსიტეტში არსებულ ნებისმიერი ტიპის პროგრამაზე იმ პირის მიღება, რომელსაც „სტუდენტის ეთიკის კოდექსის“ დარღვევის გამო შეუწყდა საქართველოს აგრარული უნივერსიტეტის სტუდენტის სტატუსი.

7.11. უნივერსიტეტი უფლებამოსილია, ნებისმიერი ტიპის პროგრამაზე მიღებაზე უარი უთხრას პირს, რომელსაც უფიქსირდება „სტუდენტის ეთიკის კოდექსის“ დარღვევა.

7.12. ამ კოდექსით გათვალისწინებული ისეთი დარღვევის ფაქტის დადგენის შემთხვევაში, რაც შედეგად იწვევს საქართველოს აგრარული უნივერსიტეტის სტუდენტის სტატუსის შეწყვეტას, განიხილება უნივერსიტეტსა და სტუდენტს შორის გაფორმებული ორმხრივი ხელშეკრულების არსებით პირობათა დარღვევად და ავტომატურად იწვევს უნივერსიტეტსა და სტუდენტს შორის გაფორმებული ორმხრივი ხელშეკრულების შეწყვეტას, ათავისუფლებს უნივერსიტეტს ორმხრივი ხელშეკრულებით ნაკისრი სახელშეკრულებო ვალდებულებებისაგან და აჩერებს უნივერსიტეტის მიერ ნაკისრი ვალდებულებების შესრულებას, რის შედეგადაც სტუდენტი კარგავს შეფასებების ან/და კვალიფიკაციის მიღების შესაძლებლობას.

7.13. სტუდენტისათვის დისციპლინური პასუხისმგებლობის დაკისრება იწვევს სტუდენტსა და უნივერსიტეტს შორის გაფორმებული ორმხრივი ხელშეკრულების ავტომატურად შეწყვეტას იმ შემთხვევაშიც, თუ „სტუდენტის ეთიკის კოდექსის“ შესაბამისი მუხლი შესაძლო სანქციის სახით ითვალისწინებს საქართველოს აგრარული უნივერსიტეტის სტუდენტის სტატუსის შეწყვეტასაც, თუმცადა საქართველოს აგრარული უნივერსიტეტის სტუდენტის სტატუსის შეწყვეტის შესახებ გადაწყვეტილება არ იქნება მიღებული. ასეთ შემთხვევაში, უნივერსიტეტი სტუდენტს სთავაზობს მიმდინარე წლის პირობებით ახალი ხელშეკრულების გაფორმებას, სტუდენტის მიერ ჩადენილი დარღვევის გარემოებებისა და დაკისრებული სანქციების გათვალისწინებით.

მუხლი 8. დასკვნითი დებულებანი

8.1. უნივერსიტეტი უფლებამოსილია განაახლოს და შეიტანოს ცვლილებები ამ კოდექსში, რაც დაუყოვნებლივ ქვეყნდება უნივერსიტეტის ოფიციალურ ვებ-გვერდზე: <http://agruni.edu.ge>.

8.2. ამ კოდექსის რომელიმე დებულების ბათილად ან ძალადაკარგულად ცნობა გავლენას არ ახდენს ამ კოდექსის სხვა მუხლების იურიდიულ ძალაზე.